

Saopštenje za medije

Europski fond za jugoistočnu Europu odobrio kredit za MKF MI-BOSPO

Zajednička podrška poduzetništvu

Sarajevo i Tuzla, 6. juni 2013. - Europski fond za jugoistočnu Europu (EFSE) – iniciran od strane KfW (Njemačka razvojna banka) uz financijsku potporu njemačkog Saveznog Ministarstva za ekonomsku suradnju i razvoj (BMZ) i Europske Komisije - odobrio je novu kreditnu liniju u iznosu od 1,5 milijuna eura mikrokreditnoj fondaciji MI-BOSPO iz Tuzle, Bosna i Hercegovina. Tokom iduće tri godine, MI-BOSPO će usmjeravati ovu kreditnu liniju isključivo za razvoj i unapređenje poslovnih aktivnosti, prateći svoju strategiju podrške poduzetništvu.

Ovaj kredit će omogućiti MI-BOSPO-u da pruži svojim klijentima atraktivne kreditne proizvode za poslovni razvoj uz visoku kvalitetu usluga. "Zadovoljni klijenti, koje podržavamo u njihovom razvoju biznisa, doprinose našoj budućnosti i našoj motivaciji", kaže Elmedina Bećirović, financijski menadžer u MKF MI-BOSPO. "Osim financiranja, EFSE također pruža vrijednu tehničku pomoć. To jača MI-BOSPO-ve temelje za rast."

"Drago nam je da se ova uspješna suradnja EFSE-a i MKF MI-BOSPO nastavlja", dodaje Monika Beck, predsjednica EFSE fonda. "Ovo partnerstvo započelo je prije više od 10 godina, i mi očekujemo nastavak saradnje dugi niz godina obzirom da je MI-BOSPO uvijek bio vjeran svojoj misiji obezbjedjenja financijskih usluga dobrim klijentima, koji su marginalizirani od strane drugih."

MI-BOSPO je odigrao pionirsku ulogu u obezbjeđivanju pristupa financijama lokalnim ženama poduzetnicama te pokrenuo Mrežu Žena u Biznisu (WBN) uz podršku USAID-a za sistematski razvoj ženskog poduzetništva. Trenutno, 1,700 žena mikro poduzetnica ima korist od mreže.

Sa dobrim rezultatima, te nedavno dobivenim SMART certifikatom (potvrdu o pridržavanju svjetskim standardima SMART kampanje o zaštiti klijenta), ova saradnja sa EFSE fondom je još jedan pokazatelj da MI-BOSPO - s posebnim naglaskom na žene poduzetnice - ima svakako razlog da gleda naprijed sa samopouzdanjem.

O MKF MI-BOSPO

MKF MI-BOSPO, sa sjedištem u Tuzli, u Bosni i Hercegovini, daje pristup kreditima, kao i ne-financijskim uslugama stanovništvu, a posebno ženama poduzetnicama sa niskim prihodima u cilju jačanja njihovog poslovnog, ekonomskog i društvenog statusa. MI-BOSPO promoviše odgovorno financiranje kroz primjenu načela zaštite potrošača, dok nastoji biti značajan faktor u razvoju ženskog poduzetništva. MI-BOSPO služi klijentima pošteno i odgovorno, izgrađujući povjerenje i dugoročno partnerstvo.

MI-BOSPO trenutno služi oko 15.000 klijenata s približno 15 milijuna eura portfolio.

Za više informacija o MKF MI-BOSPO, molimo posjetite: <http://www.mi-bospo.org/>

O EUROPSKOM FONDU ZA JUGOISTOČNU EUROPU

Europski fond za jugoistočnu Europu (EFSE) ima za cilj poticanje ekonomskog razvoja i prosperiteta u Albaniji, Armeniji, Azerbajdžanu, Bjelorusiji, Bosni i Hercegovini, Bugarskoj, Hrvatskoj, Makedoniji, Gruziji, Kosovu, Moldaviji, Crnoj Gori, Rumunjskoj, Srbiji, Turskoj i Ukrajini. EFSE je usredotočen na pomaganje lokalnim finansijskim sektorima u jačanju njihove sposobnosti kako bi osigurali adekvatno i održivo financiranje mikro i malih poduzeća (MSE), kao i za domaćinstva u obliku kredita za poboljšanje domova. Financiranje koje EFSE omogućuje se usmjerava ka tim kreditnim klijentima putem lokalnih partnerskih institucija (PLI). Osim financiranja, EFSE omogućuje tehničku pomoć, savjetodavne usluge i obuku za izgradnju operativnih kapaciteta i profesionalno upravljanje. Inicirano od strane KfW (Njemačka razvojna banka) u 2005. godini, EFSE je prvo javno-privatno partnerstvo te vrste i prvi privatno upravljani fond u financiranju razvoja. Kapital je obezbjeđen od strane njemačkog Saveznog Ministarstva za ekonomsku suradnju i razvoj (BMZ), Europske Komisije (EK), Vlade Republike Albanije, Kreditna podrška malim i srednjim poduzetništvima CJSC (SMBCS), podružnica Centralne banke Armenije, Razvojne Banke Austrije (Oesterreichische Entwicklungsbank - OeEB), Švicarska agencija za razvoj i suradnju, Danske agencije za međunarodni razvoj (Danida), KfW, IFC, Nizozemska finansijske Kompanije (FMO), Europske banke za obnovu i razvoj, Europske investicijske banke i Sal. Oppenheim i Deutsche Bank. Oppenheim Asset Management Services S.A RL, Luksemburg i Finance in Motion GmbH, Njemačka, su EFSE-ovi fond menadžer i savjetnik Fonda.

Za više informacija o EFSE, molimo posjetite: <http://www.efse.lu>

Media kontakti

EFSE

Odnosi sa javnošću: Merle Römer, e-mail: press@efse.lu, Tel: +49 (0)69 9778 7650-171

MKF MI-BOSPO

Odnosi sa javnošću; Ismar Kutlovac, e-mail: ikutlovac@mi-bospo.org Tel: +387 61 234222